



Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiæ Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Si in Christi morte separata fuit anima vel caro à verbo. A. B. C

urn:nbn:de:hbz:466:1-38829

patitur, op^{us} auctoris est: quia n. sua voluntate, nō alio cogēte perpetitur, ipse author est operis. Cum a passio Christi opus Dei sit, & ideo bonum, eamq^{ue} operati sint Iudas & Iudezi, quæritur an cōcedendum sit eos operatos ibi esse bonū. Hic distingue-dum est. Potest n. dici, quod operati sunt bonum, quia ex actib. eorum bonū prouenit, id est, passio Christi: & itē, quod operati non sunt bonum, sed malum: quia actio eorum non fuit bona, sed mala.
SI IN CHRISTO DIVISIO IN MOR-
te fuit animæ, vel carnis à verbo.

DISTINCT. XXI.

A

*De morte
qua conse-
quuta est
passionem
Christi.*

*Aug. dist. 2.
i. 3. c. Assum-
psit. super
Ps. 48. conc.
2. ad versum
4. Psal. 48.
Sicut oues
in inferno.*

Post prædicta cōsiderandum est, vtrum in mor-te Christi, à verbo si separata anima vel caro. Quidam putauerunt tunc carnem sicut ab anima, ita à diuinitate in morte diuisam. Si enim, inqui-unt, anima media diuinitas sibi carnem vniuit, sic ut superius prætaxatum est: ergo quādo diuisa est caro ab anima, diuisa est etiam à diuinitate: quia non potuit ab anima se tingi, per quam verbo erat vnta, quin à verbo diuideretur. Fuit a. diuisa ab anima in morte, alioquin vera mors ibi nō fuisset: quia vt ait Aug. Mors quam timet homines, separatio est animæ à carne. Mors a quam non timent, separatio est animæ à Dœo. Vtraque verò diaboli suauis homini propinata est. Si ergo in Christo homine vera mors fuit, diuisa est ibi anima, ac per hoc diuinitas, à carne. Huic suæ probabilitati addunt auctoritatis testimonium. Ambr. enim tra-ctas de Christi derelictione, qui in cruce voce ma-gna clamans dixit, Deus, Deus meus, vt quid me dereliquisti? ait, Clamat homo separatione diuini-tatis moriturus. Nam cum diuinitas mortis libera-sit, vtq^{ue} mors ibi esse non poterat, nisi vita disce-deret: quia vita diuinitas est. Hic videtur tradi, quod diuinitas separata sit in morte ab homine: quæ nisi discessisset, homo ille mori non posset.

Quod

Quod illi ad carnem referunt, quam dicunt a Deo separatam. Quibus respondemus illam separationem sive esse accipiendam, sicut intelligitur derelictio, quae illis verbis significatur: Ut quid me dereliquisti?

Quomodo ergo Christus derelictus erat a patre, cum *Luc. 22. ad*
in cruce derelictum se clamabat? Non recesserat Deus ab homine, ita quod esset soluta unio Dei & hominis. Alioquin fuit quoddam tempus, quando Christus adhuc vivus homo erat, & non Deus: quia adhuc vi-

*illud: Et hoc
dicto tradi-
dit spiritum
tom. 5.*

uus se derelictum clamabat, non derelinquendum. Si ergo illa derelictio, unionis intelligatur solutio, ante facta fuit solutio Dei & hominis, quando Christus mortuus esset. Sed quis hoc dicat? Fatae amur ergo

Math. 27. 3

Dilectum, quodammodo illum hominem in morte deseruisse, quia potestari per sequentium eum exposuit ad tempus, non suam potentiam exercendo illum defendit, ut non moreretur. Separavit se diuinitas quae subtraxit protectionem, sed non soluit unionem. Separavit se foris, ut non adesset ad defensionem. Sed

non intrus defuit ad unionem. Si non ibi cohibuerit potentiam, sed exercuisset, non moreretur Christus: Mortuus est Christus diuinitate recedente, id est esse

tempore defendendo, non exhibente. Hic est

hircus, id est emissarius apoponpeius, qui altero hircu immolato in solitudinem mittebatur, ut legitur in

Leu. 16. 9

Leuit. Duo. n. hirci, humanitas & diuinitas Christi intelliguntur. Humanitate ergo immolata diuinitas Christi in solitudinem abiit, id est in cœlum. Vnde

Euseb. In solitudinem, id est in cœlum tempore passionis diuinitas abiisse dicitur, non locum mutans, sed

quodammodo virtutem cohibens, ut possent im-

pii consummare passionem. Abiit ergo, id est virtutem

cohibuit, & portauit iniquitates nostras, non ut

haberet, sed ut consumeret: Deus enim ignis con-

sumens est. Ex his satis ostenditur, praemissa verba dinaria ib.

Ambrosij sic esse accipienda, ut prædiximus.

Aliam ad idem inducunt authoritatem.

Qq

B

Alii

Eusebius lib.

s. ad illud

Leu. cap. 16.

Et emittat

illum in so-

litudinem,

& Glossa or-

dinaria ib.

Athan.lib.
6. qui de
beatitudine
filij Dei di-
citur ad
Theophilum
tom. 4.
Responsio.

Alii quoq; authoritati innuituncur, qui assertunt
diuinitatē in morte recessisse ab homine secundū
carnē. Ait enim Athan. Maledictus qui totum ho-
minē quem assumpsit Dei filius, denū assumptū
tertia die à mortuis resurrexisse nō cōfiteret. Fiat,
fiat. Si inquit denuo assumptus est homo in re-
surrectione, quē assumpserat in incarnatione, de-
posuit ergo eū in morte: separata ergo fuit diuini-
tas in morte ab immunitate. Quib. respondemus,
q; si in his verbis assumptio talis intelligatur, quā
fit secundū rationē, non carnē tantum, sed totū
hominem, i. animam & carnē denuo sibi vniuit in
resurrectione, quia nō simpliciter hominē sed to-
tum hominē assumptum dicit. Totum ergo homi-
nem in morte depositum, i. animam & carnem. Sed
quis, nisi hostis veritatis, dicat animā à verbo de-
positam? Et tamen nisi hoc faciantur, quod totus
homo fit assumptus, non pro eis facit illa auctorita-
tas, quæ totum dicit assumptum. Sciendum est ergo
Athan. id dixisse cōtra illorum perfidiā, qui resur-
rectionē Christi negabant, putātes morte detineri
eum, qui solus inter mortuos liber est. Ideo illum
maledicit, qui nō cōfiteret totum hominē denuo
assumptum resurrexisse, i. Christum animam de-
nuo corpori cōiunxisse: & illis duobus denuo cō-
iunctis in resurrectione, verē secundū hominē
vixisse, sicut ante mortem. Nam in morte separata
est anima à carne. Vnde verē dicitur Christ⁹ mor-
tui: sed neutrum separatum est à verbo Dei.

Auctoritatibus astruit à verbo carnem in morte
non esse diuifam.

Aug. tract.

47.

Ioan. 10.

Sicut Aug. super Ioan. docet, trāctans illud ver-
bum. Ego pono animam meam, vt iterum sumam
eam. Nemo tollit eā à me, sed ego pono eam: à me
ipso potestatem habeo ponēdi eam, & iterum su-
mendi eam: hic animā dicit emissam. A quo emis-
sa est? A seipsa non est emissā, quia seipsum non po-
suit

Nec verbum animam posuit, nec carnem. Caro ergo animam posuit, sed potestate in se manetis deitatis. Potentia ergo deitatis anima diuisa est a carne, sed neutrum a verbo Dei. Vnde Aug. Verbum ex quo suscepit hominem, i. carnem & animam, nūquam depositum animam ut esset anima a verbo separata: sed caro posuit animam quando expirauit, qua redeunte resurrexit. Mors ergo ad tempus carnem & animam separauit, sed neutrū a verbo Dei. Caro ergo ponit & sumit animam, non potestate sua sed potestate inhabitantis carnem deitatis. Hic evidenter traditur, nec animam nec carnem a verbo Dei in morte esse diuisam, ut aliquo modo soluta fuerit unio. Vnde Aug. cont. Felician. Absit, ut Christus sic senserit mortem, ut quantum in se est, vita vitam perdidet, si n. hoc ita esset, vita fons aruisset. Senit ergo mortem participatione humani affectus, quem spōte suscepit: non naturae suae perdidit potentiam, per quam cuncta vivificat. Sic in sepulchro Christus carnem suam cōmoriendo nō deseruit, sicut in utero virginis cōnascendo formauit. Mortuus est ergo nō discedēte vita, sicut passus est nō pereunte potētia. Nemo tollit animam eius ab eo, quia potestate habet ponendi & sumendi. Ecce & hic habes, Christum non deseruisse carnem in morte, & vitam non discessisse a mortuo: & quam sponte tradidit spiritum, non aliis extorsit. Vnde Ambr. Emisit Christus spiritum, & tamē quasi arbiter exuendi suscipiendo corpore, emisit spiritum, nō amisit: pendebat in cruce, & omnia commouebat. Sed vnde emisit? Ex carne. Quo emisit? Ad patrem.

*Ad principium c. 140
in tom. 6.*

*Aug. c. 14.
in princ.*

*Ioan. 10. 4.
Ibid. pauli
inferius.*

*Ambros. ad
mediū c. 5.
lib. de incar-
nationis do-
minica sa-
cramento;
tom. 2.*

Quaratione Christus dicitur mortuus & passus. Recedente vero anima mortua est Christi caro: & quia caro mortua est, mortuus est Christus. Sicut n. mortus dicitur Deus, quādo mortuus est homo: ita mortuus homo dicitur, quando mortua est caro. Separatio animæ mors carnis fuit. Propter car-

Q q 2

nem